

本艸乘雅半偈目錄四

第五帙

本經中品一

玄參

水蘇

荏子

薺寧附

假蘇

麻黃

葛根

竹葉

桃核仁

杏核仁

髮髮

犀角

羚羊角

蚱蟬

本經中品二

水萍

牡丹

泉耳

卽蒼耳

當歸

白芍藥

款冬花

芎藭

陽起石

雄黃

雌黃

牛角腮

鱉甲

白僵蠶

本艸乘雅半偈

錢唐後學盧之頤子繇父覈參

本經中品

玄參氣味苦微寒無毒主腹中寒熱積聚女子
產乳餘疾補腎氣令人明目

覈曰生河間川谷及冤句山陽近道亦有之
二月生苗高四五尺莖方而大作節若竹色
紫赤有細毛葉生枝間四四相值形似芍藥

七月開花白色。或茄花色。形似大薊。花端叢刺。刺端有鈎。最堅且利。八月結子黑色。一種莖方而細。色青紫。葉似脂麻對生。又似槐柳尖長。邊有鋸齒。七月開花青碧。八月結子黑褐。根都科生。一根五七枚。生時青白。乾卽紫黑。宜三八月采。修治用蒲艸重重相隔。入柳木甑。蒸兩伏時。勿犯銅鐵器。餌之噎人喉。喪人目。惡黃耆。乾薑。山茱萸。反藜蘆。

叅曰。玄正子半。一陽將復之時也。非動非靜。若顯若匿。一點微芒。萬鈞之力。其味苦。已向乎陽。其氣寒。未離乎陰。儼似少陰之樞象。參贊化育之元始。具備少陰之體用者也。主治功力。與芍藥相似。芍則端倪已破。玄則醞藉幽微。故主寒熱積聚之欲成。堅凝閉密。與產乳餘疾之已出未淨。補腎氣者。補腎氣方萌之機兆。非補腎藏欲藏之形質。體用周備。則

精華上注故令目明。

冬三月此謂閉藏使志若伏若匿若有私意若已有得非水凝如石之腎氣獨沉矣
又經云冬三月欲如運樞
又云陰者藏精而起亟也

本經中品

水蘇。氣味辛。微溫。無毒。主下氣。殺穀。除飲食。辟口臭。去邪毒。辟惡氣。久服通神明。輕身耐老。

荏子。氣味辛溫。無毒。主欬逆下氣。溫中。補體。葉

主調中。去臭氣。

別錄

薺。氣味辛溫。無毒。主冷氣洩痢。生食除胸中

酸水。按碎。傳蟻瘻。

藏器

薺。曰水薺。卽紫蘇。一名盧薺。處處有之。喜生

水旁。春二月皆以子種。或子着地間。次年自發。莖方葉圓。葉端有尖。邊作鋸齒。肥地者。葉面背俱色紫。瘠地者。僅背紫面青。七八月開花紅紫色。成穗作房。結實如芥子。臭香色褐。碎之絞液作油。甚甘美也。若葉面背色白者。卽荏子。子不甚香。而葉轉辛。若葉面背青白者。卽薺薺。葉上有毛而氣臭。五月采葉。七月采莖。九月采實。各取得氣之全。今市肆莖葉。

多霜後采取。此已藁之本。氣味俱失。不宜用也。別錄另立蘓。及白蘓兩條。蘓卽水蘓。白蘓卽荏子。又有魚蘓。鷄蘓二種。魚蘓卽荏子同類。一名薺蘓。狀似茵陳。葉大而香。吳人用煮魚食。因名魚蘓。鷄蘓一名回回蘓。莖葉俱紫。葉邊鋸齒極細密。葉面交紐若剪絨狀。宛似鷄冠。因名鷄蘓。王禎云。卽水蘓之異形。故主療諸疾亦相同也。

先人云。諸蘓同一種類。但有家蒔野生。及色
香氣味之殊。故主治功力。似異而同也。皆宜
于水。質都柔潤。雖色香氣味。稍分厚薄。而辛
溫芳烈則一。當以本經水蘓爲正。顧蘓之有
荏有薺。若朮之有蒼有白。何須另立門戶。
叅曰。此以功用詮名。水取坎剛。以盪活潑之
體。蘓則震虢。以舒陽和之用。更詳色香氣味。
體性生成。致新推陳之宣劑輕劑也。故主氣

具用無體
者但可宜
傍具體具
用者復可
宜攝

莖葉實各
有所專

下者。可使之宣發。氣上者。可使之宣攝。并可
開發上焦。宣五穀味。熏膚充身。澤毛若霧。露
之漑。故穀亦殺。毒亦去。臭惡亦辟。神明可通。
輕身耐老矣。別錄用治吐血衄血。及血崩。此
氣不宣發。宣攝以氣如橐籥。血如波瀾。所謂
欲治其血。先調其氣。若胃絡脉絕。致血衄崩
潰者。更相宜也。葉則偏于宣散。莖則偏于宣
通。子則兼而有之。而性稍緩。別錄又出荏子。

藏器又出薺寧。荏卽水蘓之色白者。易于入肺。以肺之經氣起于中焦。上隔屬肺。乃能布氣四達故也。薺卽水蘓之色青者。易于入肝。以肝之經氣終于中焦。中焦食氣。乃能散精于肝故也。如洩痢酸水。正食氣不得散精于肝。致氣冷痿厥。遂成五飲。變生種種形證耳。

水蘇獨爲中焦主。故可宣揚。復可宣攝。荏子獨爲上焦主。爲經氣之始。薺寧獨爲下焦主。爲經氣之終。而三蘇之揚攝。又莫不繇中焦。次第以爲分屬者。然水蘇樞之屬。

在子開之屬薺
亭闔之屬矣。

栗雅

水蘇荏薺

月樞閣

本經中品

假蘓。氣味辛溫。無毒。主寒熱鼠癩。癰瘡。生瘡。破結聚氣。下瘀血。除濕疸。

覈曰。假蘓卽荊芥。竊似盧蘇。原屬野生。今爲俗用。遂多種蒔。二月布子生苗。方莖細葉。似落籬而細。八月開小花。作穗成房。房如水蘓。內有細子似葶藶。色黃赤。連穗收用。

叅曰。假者蘇之。故名假蘇。如假寒熱爲鼠癩。

界域相連
倏真傍假
呼盧應六
性相近也

爲癰癰。假氣爲結。爲聚。假血爲瘀。假濕爲疸。
假僞非真者。蘇蘇震行。緩散自釋矣。別名疆
募。荊芥。疆畫界分。荊方芥辛也。言能畫疆界。
殊方域。悉新以辛也。